

殷栗齋集

卷廿五

卷廿六

開平張啓煌著

殷栗齋集抄本

卷廿五

開平張啓煌著

殷栗齋集抄本

卷廿五
卷廿六

北山堂藏版

香港中文大學古典精華編輯室發行
鮑思高印刷有限公司影印
戊寅夏日一九九八年初版

讀萬卷書要行萬里路說

嘗讀史公自敘曰年十歲則誦古文二十而南游江淮上會稽探禹穴闢九疑浮于沅湘北涉汶泗講業齊魯之都觀孔子之遺風此史公將史記奇偉恢廓大本願寫出而非漫作遊記者乎邵子百原山中堅苦刻厲已久而數曰昔人尚友千古而吾獨未及四方乃踰汾河涉淮漢周流各魯京鄭之墟久之幡然來曰道在是又讀近人江甘泉序顧炎武曰炎武留心經世之術遊歷所至以兩騾兩馬載書自隨至西北阨塞東南海陬必呼老兵退卒謁其曲折與平日所聞不合即發書檢勘垂三十年邊塞亭障無不目擊此炎武所著日知錄及天下郡國利病諸書所以皆閎實用而無一字空談者乎蘇轍上樞密韓太尉書有言轍生十有九年

矣其居家所與游者不過其鄰里鄉黨之人所見不過數百里之間無高山大野可登覽以自廣百氏之書雖無所不讀然皆古人之陳迹不足以激發其志氣思過旧沒故決然捨去求天下奇聞壯觀以知天下之廣大過秦漢之故都巡觀於南蒿華之高北顧黃河之奔流慨然想見古之豪傑至京師仰觀天子宫觀之壯麗與倉庫府庫城池苑囿之富且大也而後知天下之巨麗讀萬卷書要行萬里路豈不然哉昔人謂地理之學十說不如一圖百聞不如一見凡學問之事皆然不独地理也子長好遊足遍天下少父好游不出戶庭皆稱善游何如曰讀書既萬卷學子長為宜讀書未萬卷學少父為宜魯王好學杜絕交游王充善讀閉門潛思

董仲舒下帷、發憤、三年不窺園、此正是收攬天地風雲於四壁之
圖書、提挈山川草木于一廬之風雨、節之初九曰、不出戶庭、无咎、
其讀書未萬卷之時乎、九二又曰、不出門庭、凶、其讀書既萬卷之
時乎、同人則于門于郊于野、越行越遠、則四壁圖書皆在天地風
雲之下、一廬風雨、全入山川草木之中、統計人生得办、得于讀書
者、誠十之六七、得于閱歷者、亦不無十之三四、讀書有閱歷、所讀
之書是實事、讀書無閱歷、所讀之書多空談、何休十七年不窺園、
作公羊解詁、往往以空談而成為謬論、新王改制、雖董子用之、何
休從而甚焉、禍春秋者不少矣、孔子周游列國、然後刪定六經、其
書無一非萬世實用、上有由也、李斯治秦、請禁將學、禁其不讀萬

卷書之游學則可、禁其讀破萬卷書之游學則不可、蓋即將即學也、游學是閱歷、閱歷不深、見識奚高、語云、讀盡天下好書、交盡天下好人、遊盡天下好山水、此人生三大樂事、真格言哉、景鸞少隨師學、徃涉七州之地、丁鴻薦志精銳、布衣荷担、不遠千里、北魏高元擔笈負書、千里就業、遂博通經史、術數、國策、載有黃歌者、游學博父、此皆行萬里路之得益者、王獻之嘗徃吳郡、聞顧辟疆有名、因先不相識、乘平肩輿、徑入、時辟疆方集賓友、而獻之遊歷既畢、旁若無人、夫游歷欲增其閱歷而已、非如獻之以比而卑人、夸己也、將以夸天下之大觀、而助其志也、南浮長淮、訴大江、見狂瀾、驚波、陰風怒號、令人奔放而浩漫、望雲夢、洞庭之陂、彭蠡之渚、涵混太

宏呼吸萬壑、令人渟滯而淵深、見九疑之縣絕、巫山之嵯峨、陽台
朝雲、蒼梧暮煙、令人立志而蔚好、臣既渡湘、弔大夫之魂、悼妃子
恨、令人感憤而傷激、北過大梁之墟、觀楚漢之戰場、想見項羽之
喑鳴、高祖之慢罵、龍跳虎躍、千兵萬馬、令人雄勇猛健、使心悸而
胆慄、世家龍門、念禹王之巍功、西使巴蜀、跨劍閣之鳥道、上有摩
雲之崖、不見釜鑿之痕、令人斬絕峻拔而不可攀、講業齊魯之都、
覩夫子之遺風、鄉射鄒嶧、彷彿乎汶陽洙泗之上、令人文典溫雅、
有似乎正人君子之容儀、凡天地之間、人情之習、一收羅胸中、
橫覽眼底、点点皆文章、血色色是學問、行囊噫、世有讀乎古今
書、足跡不肯一日休者、非直為景物役也、將以有為也、

其二

古者讀萬卷書易、今日讀萬卷^書難、去聖人未遠、有正學、無邪學、故
讀萬卷書易、去聖人既遠、正學衰、邪學興、故讀萬卷書難、古者行
萬里路難、今日行萬里路易、有天然之道路、無人事之道路、故行
萬里路難、人事之道路、多于天然之道路、故行萬里路易、吾又反
其難易言之、曰古者讀萬卷書難、今日讀萬卷書易、徑學萌芽之
始、有徑而有注、有注而未有疏、故讀萬卷書難、注疏利行以後、有
漢學為之攷掘、有宋學為之義理、故讀萬卷書易、古者行萬里路
易、今日行萬里路難、夜不閉戶、道不拾遺、其時無一人為劫擄盜
者、故行萬里路易、前有毒蛇、後有猛虎、於今無尺寸為乾淨土者、

故行萬里路難、然則讀萬卷書、古今各有難易、唯易有易之讀法、
難亦有難之讀法、無容以其難而不讀、讀之而不萬卷也、行萬里
路、古今各有難易、唯易有易之行法、難有難之行法、無容以其
難而不行、行而不萬里也、況且以讀萬卷書之人、行萬里路、雖其
路之極難行者、亦反為路之極易行、昔人有賦蜀道難者、曰蜀道
難、難于上青天、又有反其意以賦蜀道易者、曰蜀道易、易于履平
地、十萬黃巾拜下車、此鄭康成故事、何有蜀道難之可畏耶、李固
之周觀天下、卻說之洗足塵土、陶宏景每經澗谷、坐卧吟詠盤桓
不已、張子偉所述、必窮搜極覽、劉歆之登危履險、必屏幽遐、劉訐
之每遊山澤、留連忘反、柳子厚之無遠不到、王右軍之不遠千里、

此行路皆有関于讀書者、

摘錄

後幅

或曰、善讀書者、足跡不出門、能知天下事、南史宗少女好

山水、其居江陵、嘆曰、老疾俱至、名山恐難遍覩、唯澄懷觀道、卧以
游之、凡所將歷、皆圖之於壁、撫琴動操、欲令衆山皆响、汲黯卧治
于淮陽、誰知少女亦卧游于江陵、人特患不讀萬卷書耳、何須行
萬里路、曰、學問之事、十說不如一圖、百聞不如一見、主萊博物推
張華、多聞推陶弘景、乃弘景攷沙苑不詳、張華談鴻溝不備、他若
山海水經之書、郭璞道元之法、杜佑目為詭誕、為迂謬、蓋文宗
有餘、而據實不足也、是故傳道德五千言、騎牛函關之谷、讀天人
二三策、下馬廣川之陵、

董子廣川人舊說董仲舒墓以下人至者皆
下函谷云下馬
陵後訛為蝦蟆陵琵琶行用之

後幅 珠藏川自媚、玉蘊山含輝、大丈夫不可無此蘊藉、讀萬卷書者當之矣、振衣千仞岡、濯足萬里流、大丈夫不可無此氣概、行萬里路者當之矣、

後幅 昔人論讀書之法、目記不如耳記、耳記不如口記、口記不如手記、韓昌黎云、讀書不手記、一過無分毫、吾謂手記又不如足記、手記者、與日記耳記口記皆讀萬卷書之謂也、足記則行萬里路之謂節之初九、不出戶庭、无咎、是指手記之時、三至五互艮、艮為手、為止、**手**以上止之、非手記而何、**九**二又曰不出門庭凶、是指足記之時、二至四互震、震為足、為動、是為動足、以動足、非足記而何、

後幅

昔之行萬里路者、行中國之萬里路、今之行萬里路者、兼行

外國之萬里路、哥倫布尋得新大陸、推為世界第一壯志男兒、美利加新大陸之遊、比哥倫布稍後、而新大陸之名其洲、乃不以哥倫布名、而以美利加名、哥倫布讀書少、不能文、其游記不足傳、美利加讀書多、故能文、其游記足傳、由此觀之、讀萬卷書、固要行萬里路、而行萬里路、先要讀萬卷書、

中 吾人得办得之讀書者十之三四、得之閱歷者十之六七、所謂履乎其他、而情生焉、行萬里路、於所未讀之書、有觸發、一也、于所已讀之書、有根據、二也、足跡不出門、能知天下事、然比之出門所知者、愈實、總有向矣、地理之學、尤然、曹孟德攻張魯、聽人之言、以陽平城、南北遙遙、不可守、及至其地、不如所聞、意阻欲還、左文襄

平新疆有繪圖以進者曰此不足據用兵之道地無常險險無常
恃改守之形不可前定及至其地然後圖上方畧卒以成功使萬
里戎牽重隸職方天山葱嶺一塵不驚言地理者遠之必尚書之
禹貢周禮之職方其適用者尚多也近之必郭璞之注山海經酈
道元之注水經不能適用者不少矣平時必不可無其書臨時斷
不可泥其書汲黯卧治於淮陽誠然善治宗少文卧游于江陸未
必善游節之初九曰不出戶庭无咎為讀萬卷書時言之可也馮
偉節三十年閉戶閔康之四十年不出門有其占矣九二又曰不
出門庭凶為行萬里路時言之可也董子三年不窺園諸葛穎十
年不出戶非其宜矣以讀萬卷書為游歷游書中之山川吳立夫

東出齊魯、北抵燕趙、每過中原、奇絕處、及昔人戰鬥歌舞之地、慷慨高歌、呼酒自慰謝、有司馬子長遺風、曰胸中無三萬卷書、眼中無天下奇山水、未必文縱能文、亦兒女語耳、是故讀天下好書、交天下好人、游天下好山水、為人生三大樂事、後兩事均於行萬里路得之、雖然、時至今日、荃為茅鴉、為鷹、欲交天下好人、安所得好人而交之、天羅地網、欲遊天下好山水、安所得好山水而遊之、行萬里路、恐非其時、讀萬卷書、由我自主、詩曰、風雨淒淒、雞鳴喈喈、憂風雨之世、勉為雞鳴之君子可乎、

大人說

稱父為大人始自漢高祖曰昔大人常以臣無賴稱母為大人始自范滂曰惟大人割不可忍之恩此稱深得易義易乾為君為父乾稱大人以君為大人則父之為大人可知坤承乾父為大人母為大人可知後世乃竟為君親以外尊稱之通辭不典甚矣雖然未為不典也孟子曰唯大人為能格君心之非又曰養其大体為大人又曰居仁由義大人之事備矣然則大人是小人之對稱非專為君親言之有明徵矣必也大其材大其學大其節大其功德丈夫為大丈夫君子為大君子大禮而天地同節大樂而天地同和鑪冶收造化之功生靈荷魂魄之賜鑒之而五嶽未為峻

橫之而九州猶為隘、老子曰域中有四大、道大、天大、地大、王大、大
 人者於四方大之中、所謂道大者乎、道與天地同大、且天地之大
 以道而大、天地不離乎道之中、道且能包乎天地之外、是道尤大
 於天地、明乎此、而大人之本真出矣、父母勿論如何、必要以大人
 稱之、稱君為大人、仍有辨焉、乾九二大人、君德也、九五大人、君德
 兼君位也、若君其位、不君其德、名為大人、實非大人、孟子說大
 人則藐之、勿視其巍巍然、蓋戰國時無大人之位、而是以當大人
 者、孟子一人而已、其餘之稱大人者、皆莪其冠、博其帶、震高堂、饗
 肥肉、生則胖大其身、膏死、要加大其棺槨、此可稱肥大、高大之
 大、不能稱大人之大、然大人既非大以位、則亦非大以年、魯昭公